

Ña millida ruraj Amanga wañuchishcami  
pailladi shayachishka kaspibi.



Jatun manduj Asueroga chi p'unlladimi  
Judá llaktamundagunada p'iñaj Amanbuj  
wasidaga reina Estermu kuga. Esterga  
Mardoqueobuj familia gashkadaga ñami  
kusamu parlashkaga.

Chimunda Mardoqueoga jatun  
mandujbujmu shamuga. Chibimi jatun  
mandujka Amanbuj sortijasta kichusha  
Mardoqueomu kuga. Shinalladi Amanbuj  
wasida rikuchunga Mardoqueodami  
Esterga churaga.



Esterga jatun mandujkun kutin  
parlanukungaj rishami paibuj chaki  
ñaubuki wakasha kunguriga. Shina  
kungurishami Amán Judá  
llaktamundagunada wañuchisha na  
allida rurangaj mandashkada  
anchuchichun mañaga.


Shina mañakimi jatun mandujka pai  
charigushka kuri varada Estermu  
chutaga. Chimundami Esterga  
jatarisha, jatun mandujbuj ñaubuki  
shayariga.



Shina nikimi jatun manduj Asueroga reina Esterdash Judá llaktamunda Mardoqueodash rimashaga,

*"Riki. Amanbuj wasidaga Estermumi kugani. Kutin paidaga Judá llaktamundagunada wañuchi nigushkamundami kaspibi warkusha wañuchiga. Judá llaktamundagunaj ashtan ima alli gana gakiga kangunalladi jatun manduj ñuka shutibi escribichilla. Chiga jatun manduj ñukaj shutibi escribisha, jatun manduj ñukaj sortijaskun sellashkadaga pibish na anchuchi pudinchu,"*

niga.




Kinsa killa ishki chungá kinsa (23)  
p'unllabi jatun mandujbuj escribijkunada  
kayaga. Chi escribijkunami Judá  
llaktamundagunamu, soldadogunada  
mandujkunamu India llaktamunda Etiopía  
llaktagama patsuj ishki chungá kanchis  
(127) llaktagunamu escribiga. Cada llakta  
ima shina escribij shinalladimi paigunaj  
shimibi escribiga. Judá llaktamundaguna-  
mush paiguna escribij shinalladimi  
paigunaj shimibi escribiga.



Shinalladi paida tuki servijkunamunda tuki mandujkunamunda ashtan alli nishka gachun churashkadash parlaga. Shinalladi Amanga, *"Jatun manduj Esterbish jatun mikimu jatun mandujta kayashaga shujkunada na kayashami ñukalladadi kayaga. Shinalla jatun manduj Esterga kayash jatun mandujkun ñuka shamuchun kayagami. Shina gakish mandana wasi pungubi Judá llaktamunda Mardoqueo tiyagujta rikushaga manadi kushillachugani,"* niga.



Shina nikimi paibuj warmi Zeresbish  
paibuj rijsishkagunash Amandaga,  
*"Sipingaj ishki chungu ishki (22)  
metro kaspida shayachichun mandi.  
Chi kaspibi Mardoqueoda sipingaj  
kayaga jatun mandujmu parli. Chi  
k'ipaga jatun mandujkun chi jatun  
mikimu kushilla ringuillami,"* nigaguna.  
Chi yuyi alli gakimi Amanga chi sipina  
kaspida shayachichun mandaga.



Chi tutami jatun manduj Asueroga sueño  
p'itiriki na sueñi pudiga. Chimundami  
jatun manduj imada rurashkagunada  
yuyaringu escribiskada apamusha,  
paibuj ñaubuki liyachun mandaga.



~~~

Original illustrations by Jim Padgett, © Sweet Publishing licensed under the terms of a Creative Commons Attribution-ShareAlike 3.0 Unported license.

[www.sweetpublishing.com](http://www.sweetpublishing.com)

~~~

Parte 1 es basada en el libro de Ester, capítulos 1-4

Parte 2 es basada en el libro de Ester, capítulos 5-7

Parte 3 es basada en el libro de Ester, capítulos **8-10**